

683917

(欽定)廓爾喀紀畧

卷三十一
三十二



欽定 庫爾喀紀略

全

欽定廓爾喀卷三十一

五月十一日戊申孫士毅奏言竊臣因口外軍儲

不能尅期抵藏懇請親赴察木多就近督辦以

期趲運無悞伏查口外烏拉俱係土司出派受

雇嚴則思避縱則長驕與內地民夫迥異屢蒙

皇上洞燭口外情事令臣寬猛得宜善爲招集實駕

馭番夫良法臣已一一恪遵傳諭各藏員隨時

察看情形妥協經理因思土司亦多志在急公而所屬頭人則惟思牟利聞番民因此次所給雇價毫無尅扣情願受雇當差往往爲頭人暗中壓制非高擡雇價卽多索償號不許番民輕易受雇

臣

再四籌計非奪其所恃此後需用烏

拉更難辦理因於前此總兵朱射斗統領官兵

三千出口時

臣

已從內地雇備長夫背運軍裝

前進倘中途有不能行走者卽隨處更換烏拉
幾名爲數無多臺員易於應付頭人見內地民
夫竟能出口當差若再有一二萬人出來卽可
到處不用烏拉從此奪其所恃不敢有意刁難
而該處無力窮番旣見民夫應募出口頭人無
可居奇勢必人人爭先受雇似亦制服番民之
一法

臣

又於內地續雇民夫二千購騾馬五百

頭遴委弁員陸續運送出口凡遇沿途烏拉短
少以致軍儲停積立即掃數趕運一清現在內
地民夫尙有應募情願出口者俱交與寧遠府
符兆熊候補知府李憲宜將察木多左近停積
趕緊運藏

臣

現於內地多購騾馬遇便馱運軍

儲出口既可濟烏拉人夫之不足並可預備凱
旋回兵之用不必再多繁費似爲一舉兩得至

臣
將來回至打箭爐一節謹卽遵

旨俟福康安奏捷紅旗遞過察木多再起程回打箭
爐料理凱旋官兵進口仰副

皇上恩諭

臣

本日拜摺後卽刻起程出口合並聲明

孫士毅又奏言竊思大兵進剿廓爾喀么膺小

醜自必立就殄滅迅奏捷音一切凱旋事宜必

須先爲核計

臣

悉心籌畫其中惟馬匹兵食兩

項沿途支應最關緊要查軍營馬匹及藏內現有塘馬日久不免疲乏凱旋時只可供官員隨從及索倫兵丁騎至拉里一塘而止自拉里以內均須按塘分撥方可不虞貽悞計自拉里至打箭爐係軍站一百零九站分隸各臺管轄每臺相去或三四十站及一二十站不等勢難如內地州縣驛站行走數十里卽有更換馬匹之

處所有凱旋官兵應請每五站計程二百一二十里更換一次則馬力不致疲乏回至本站尙可供後差之用

臣

搏節辦理擬每五站安馬四

百匹自拉里至打箭爐共需馬八千七百二十匹似已敷用除現在口外正腰塘站自打箭爐至拉里共有馬一千八百七十五匹又

臣

與各

司道因值軍興之際亦多購有馬匹預備差遣

現擬共湊馬一千二百匹已先將騾馬五百頭
解送出口趕運軍儲各府州縣聞信亦各爭先
報解共有二千其中多者三四十匹少者僅七
八匹所費無幾連臣及司道府州縣共捐馬三
千二百匹又統計各標營馬除留本營差防外
可以抽備二千匹調至省城分棚餵養臨期探
有奏凱之信緩程解送口外按站分撥計營馬

原有本身草乾卽照口外酌增爲數亦屬無多
較之派員遠從鄰省購備往來盤費以及先期

餽養節省實多共可得馬七千零七十五匹尙

缺馬一千六百匹有零臣擬屆期雇備應付尙

易爲力此臣籌辦口外馬匹實在情形也其口

內自打箭爐至成都自成都至廣元皆係內地
候雇之馬本多除各驛站額設馬匹外不敷之

欽定四庫全書
卷三十一
五
數儘可各就近地從容雇備臨期分段酌添並

派令道府大員經管

臣

已酌定章程飭令總局

司道詳議妥辦第思口外馬匹漸多人夫亦衆

只須給以番夫雇價毋庸另行開銷必須專委

妥員分段經理查有重慶府知府蔡必昌眉州

直隸州知州趙秉淵才具幹練辦事實心現在

打箭爐照料兵差

臣

卽就近派令出口專司稽

察以重責成至凱旋兵食口外各臺有降番屯
練經由兵數較多自應寬爲貯備萬人口糧緣
存貯過多難免紅朽且慮虛糜運脚嗣因陸續
添兵赴藏支用過半

臣

已飭令各臺就地採買

以省脚價恐有不敷由打箭爐就近購備分運
各臺斷可不致缺乏此

臣

籌辦口外兵食實在

情形也至官兵進口除出番練人等各就草地

回至本屯其進口者止有索倫及綠營官兵爲
數更屬無幾各州縣俱有倉糧尤爲易辦臣近
因將次出口已一一預爲部署可以仰寬

聖廑

孫士毅又奏言查內地軍火出口川省向例俱
令弁兵短解各塘交替滾運臣到打箭爐後察

看情形以軍火關係緊要若無長解押送之員

萬一途次或有短少必致各塘彼此推卸因令
每起火藥出口專委員弁長運到藏又因押運
不過一弁二兵而每起火藥不下一二百駄前
後行走難以照料復令每到一塘添撥弁兵二
名護送而下站收管之數往往與上站彼此參
差雖據稱口外用秤係沿各處土風輕重不一
伏思口外番民均以打牲爲業火藥係伊等要

需如管押稍疎必有偷竊情弊遂嚴令員弁慎
密管押如有短少惟伊是問茲據總查建昌道
徐長發轉據外委包貴稟稱奉押送軍火至昂
地過夜小心看守見有烏拉一名噶噶娃將火
藥一簍挖開偷竊四五觔經外委當時拏獲將
噶噶娃交汛地送究次日自昂地押運馱隻前
進行至蒙堡換烏拉處見賊犯髀頭結滾二人

將鉛子一簍抱赴河溝坎下偷取外委又將該犯二名拏獲細送察木多究治等因查火藥爲軍行利器較之別項軍需尤關緊要該犯等竟敢乘空肆行偷竊其情罪甚重現在沿途軍火尙多今旣登時拏獲自應從重辦理以儆其餘臣恐提犯訊究致啟疎虞已飛飭建昌道徐長發督同臺員卽就近在察木多嚴訊偷過幾次